

ایمبولینس گڈی کی کہانی



تم تے ایمبولینس دیکھی وھے گی۔ ایمبولینس اُس گڈی نا کہیں جیہڑی مچ بیمار مریضاں یا زخمیاں نا ویلہ ورسحت کی امداد پوہچان گا کم آوے۔ اس گڈی ما اس دور گا سارا لوڑ تا طبی سامان موجود وھیں۔ تاں جے اسپتال پوہچن توں پہلاں مریض نافوری طبی امداد لھ سکے۔ اک زمانو تھو جدا ایمبولینس تے اس قسم کی طبی امداد نہیں وھے تھی۔ اُس زمانہ ما بہت سارا لوک بجن علاج کے مرجیں تھا۔

اس گڈی گا اگلا شیشاں اُپر پٹھاں حرفاں ما انگریزی زبان ما ”ایمبولینس“ لکھیو وھے، یوہ اس واسطے کیو جے تاں کہ اگے جان آلی گڈی کوڈ رائیور اپنا سبے پاسے لگا واشیشہ ما اس کو چھاملو دیکھ کے آرام نال پڑھ سکے کے چھلی گڈی ایمبولینس ہے تے اُس نارستودے چھوڑے۔

ایمبولینس کی شروعات کد تے کن حالات ما ہوئی؟ اس گے پچھے اک لمبی کہانی ہے۔ پرانا زمانہ ما جنگ کے دوران زخمیاں نا جنگ کا میدان بچوں باہر کڈھ کے لے جان کو کوئی انتظام نہ تھو۔ زخمی سپاہی لہو نچر جان کی وجہ سنگ ترف ترف گے مرجیں تھا یا فرجتن آلا لشکر کا فوجی اُس ناوی مار چھوڑیں تھا۔ جنگ کا میدان ما زخمیاں کو مر جانو ہی اُن کی قسمت وھے تھی۔



زخمی سپاہیاں ناجنگ کا میدان بچوں باہر کڈھ کے علاج واسطے لے جان واسطے سب گولوں پہلاں ایسبولینس کو برتیو و فرانس ما 1972ء ما کیو گیو۔ یاہ ایسبولینس اک ٹانگہ گڈی کی شکل ماتھی۔

1857ء ما امریکہ کا کچھ ڈاکٹر اں نے واشنگٹن ما اک کانفرنس کر کے ایسبولینس گڈی کی تجویز پیش کی۔ اس مادو قسم کی ایسبولینس گڈی بنان ور زور دیتو گیو اک چار پہیاں آلی تے دوجی دو پہیاں آلی۔

1864ء ما امریکہ مایوہ حکم جاری کیو گیو جے فوج ما ایسبولینس گڈی رکھن ضروری ہے۔ اس کے نال ہی ڈاکٹر اں ناوی اس کم ور لایو گیو جے ویہ جنگ کا دوران زخمیاں نا اسپتال پوہچا نویں۔

1864ء ما ہی جنیوا ما اک کانفرنس ہوئی جس ماجنگ کا قاعدہ قانون بنایا گیا تے اس مایوہ فیصلو ہو یو کہ ایسبولینس گڈی ور کوئے کسے قسم کو حملو نہیں کرسیں تے اس ناہر صورت ماجنگ کا میدان بچوں دوجی جگہاں ور حفاظت نال جان و تو جے کو۔

موٹر کار کی ایجاد توں بعد ایسبولینس نے بہت ترقی کی۔ 1900ء ما پہلی واری امریکہ ما موٹر کار نا ایسبولینس کی شکل ما استعمال کیو گیو۔ اس وقت ساری دُنیا ما ایسبولینس گڈی موجود ہیں۔ جن ما ہر طرحیا کی سہولت موجود ہیں جیہڑی مریضاں تے زخمیاں نا بچان واسطے کم آنویں۔

پر پڑھوتے سمجھو:

طبی	:	صحت کو، صحت سنگ جڑیو
لشکر	:	فوج
واشنگٹن	:	امریکہ کو اک شہر جیہڑ واس کی راجدھانی ہے
جینیوا	:	سوئٹزرلینڈ کو اک شہر جیہڑ واس کی راجدھانی وی ہے
قاعدہ	:	طریقہ، اصول

ہُن تم انہاں سوالاں گا جواب دیو:

- ۱۔ ایمبولینس کس نا کہیں؟
- ۲۔ ایمبولینس کو استعمال پہلی وار کس ملک ماہویو؟
- ۳۔ واشنگٹن گی کانفرنس ما کے فیصلو ہوو؟
- ۴۔ جینیوا ما ایمبولینس کا بار اما کس گل کو اعلان کیو گیو؟
- ۵۔ ایمبولینس ما کے کے سامان ہووے؟

خالی جگہاں نابینکٹا لفظاں سنگ بھرو:

- ۱۔ ایسبولینس اُس گڈی ناکہیں جیہڑی مُج بیمار..... یازخمیاں ناویلے سرصحت کی امداد پوہچان گام آوے۔
(مریضاں، بنداں، افسراں)
- ۲۔ اس گڈی گا اگلا شیشاں اُپر اُپٹھاں حرفاں مانگریزی زبان ما..... لکھیو جے
(ایسبولینس، اسپتال، ڈاکٹر)
- ۳۔ جنگ کامیدان مازخمیاں گومر جانو ہی اُن کو..... وھے تھو۔
(صبر، طریقو، مقدر)
- ۴۔ 1864ء ما امریکہ مایوہ حکم جاری کیو گیو جے فوج ما..... رکھن ضروری ہے
(ایسبولینس گڈی، دوائی، بس گڈی)
- ۵۔ موٹر کارگی ایجاد توں بعد ایسبولینس نے بہت..... کی
(پچھاں، ترقی، ہمت)

لفظاں نا جملہاں ما استعمال کرو:

